



HELSING FRÅ KYRKJA

KYRKJELYDSBLAD FOR VIK



ÅRGANG 77

NR. 02 AUGUST 2024



Kirken skal ha en åpen dør!
Klokkerne ringer vanligvis
folk ind i kirken... men
kirken har i mai også gått ut
til folk på gaten - se s. 5



Ord til ettertanke

Ordet pilegrim tyder «ein framand». Ein framand er ein ven du ikkje har helst på seier nokon.

Å leggja ut på ei pilegrimsferd tyder å bryte opp frå det kjende, på veg mot noko nytt, noko heilag. Menneske som vel å leggja ut på ei pilegrimsferd gjer det av ulike grunnar. Nokon søker målet der framme, medan andre vil vera undervegs.

De har kanskje høyrd om pilegrimsledene på Austlandet, opp Østerdalen eller Gudbrandsdalen til Trondheim og Nidarosdomen. For vår kristne arv er det ein viktig stad, og fleire vegar har brakt folk til Nidaros gjennom mange hundre år. Vegane austpå er langt unna for oss her. Vi som er busett langsmed kysten kan reisa sjøvegen. Det går ei pilegrimslei langs kysten vår, til Nidaros, men med ulike nøkkelstader undervegs.

Langs ei pilegrimslei er det er det stader å stoppa, stader ein kan søkja husly. Det er òg heilage stader og kyrkjer å søkja til undervegs.

«Den viktigaste pilegrimsferda du gjer er den du tek til di næraste kyrkje,» vert det sagt. Kvar kyrkje bed dykk bryta ut av kvardagen. Kyrkjeklokkene kallar oss inn til gudsteneste. Å koma til kyrkje ein

søndag er ei pilegrimsreise. Vi bryt opp og går inn i noko anna.

Gjennom sommaren har vi samla folk til gudstenester og musikkmesser i Hopperstad stavkyrkje og Hove steinkyrkje. Kyrkjer som turistar og besøkande vitjar, slik vi ikkje er framande for å vitja kyrkjer på ferie i utlandet. Kyrkjene her heime er også kyrkjer for oss å vitja.

Eit besøk i ei kyrkje gjev oss meir enn ein ventar i det vi tek steget over terskelen. Det sit noko i veggane – Historiar om levd liv, om tru, tragediar, håp, glede og sorg. Dette er historie som er synleg i Vik, med tre ulike kyrkjebygg i nærleik av kvarandre.

Dei har vore og er i bruk til dei store tinga som skjer i livet – som dåp, bryllaup og gravferd. Innimellom er òg dørene opne og vi kan gå inn heilt på eige hand.

Dei siste åra har Vik kyrkje ynskt velkomen turistar som kjem sjøvegen med cruisebåtane. Då er døra open for alle som er på veg forbi – langvegsfarande og lokale. Vi kan sjå av gjesteboka at besøket inn i kyrkja og opphaldet i kyrkjerommet er viktig for mange. Her kan vi setja oss på ein benk og få vera heilt i ro.

I gjesteboka som ligg i våpenhuset får ein innblikk i menneske frå fjern og nær sine tankar om det å vere undervegs, om å vere på reise. Mange takkar for den opne døra og det vakre kyrkjerommet. Dei takkar Gud for at han har brakt dei trygt hit, og bed ei bøn om at han må vara dei, -og oss, på ferda vidare.

Om ikkje vi er på reis, er vi undervegs gjennom livet. Kyrkjene våre står der og tek oss imot – i dei store tinga som skjer, og i det kvardagslege.

Den viktigaste pilegrimsferda vi gjer er den vi tek til vår eiga kyrkje. Velkomen innom i haust!



Glimt fra pilegrimsvandring på Kinn, saman med prestekollegaer i Sogn prosti. Pilegrimskorset på sekken.

Gleda ved Gospel

Vi fanga kordirigent Tom Jarle Istad Kristiansen på veg ut av Vik ungdoms-hus, Vikjahalli, etter konserten med Vik Songlag under Gamalost-festivalen. I denne vårsesongen har Songlaget hatt eit Gospel-prosjekt, som har drege fleire nye medlemmer til koret, og vi ber derfor dirigenten om å sei noko om gleda ved gospel:

- Den gleda eg opplever? Først og fremst så har eg jo ei tru. Gospelmusikken for meg er jo eit gledas budskap. Og dei fleste tekstane i gospelmusikken handlar om menneske som Gud har løfta opp, og det er vitnesbyrdet deira. Og difor er det så mykje gleda, fordi vitnesbyrdet er at dei er reist opp av Gud, som har gjort noko i deira liv. Så det er gleda i musikken, i innhaldet.

Og samstundes – det er noko med stilarten. Sjølv så likar eg å lovprise, og vera der i den genren, som gospelmusikken er. Og det er nok fordi eg i lange periodar har mange venner i dei farga baptistsokna i Chicago. Det er veldig inspirerande for meg å treffe desse korledarane og musikarane, som gjer gospel kvar einaste dag. På konsertar og gudstenester. Det er ein del av livet mitt å vera der.

Gospel og Gudstru

Kan ein syngja gospel sjølv om ein ikkje trur på Gud?

- Ja, det trur eg så absolutt. Eg opplever at mange menneske som ikkje er



truande kan syngja gospel, fordi denne genren er respektert og anerkjent, så det å syngja gospel, det er ok, det kan vi gjera.

Og samtidig: Det å syngja gospel går ikkje upåakta hen heller, når tekstane er så sterke som dei er, på trua: "I am redeemed"... på norsk: "Eg er fødd på ny, kjøpt med ein pris, Jesus

har forvandla heile mitt liv..." Det er klart det gjer noko med alle som syng gospel, om dei vil eller ikkje!

Musikk og kjensler

- Og det er det som er så fint med all musikk, har eg lyst å sei: Vik Songlag i dag syng mykje ulikt. Songen og musikken har ei evne til å gjera noko med kjenslene våre. Når vi har

ei vise som «Har du fyr» av Ola Bremnes, så kan tårene koma, når du tenkjer på noko. Det er krafta som ligg i songen og musikken.

Alle dei songane som går på relasjon mellom menneske, det å vera noko for kvarandre, slik som «Har du fyr», som stiller spørsmålet "Har du nokon i livet som er ved di side, som støttar deg?", kan du jo ta inn i eit kristent perspektiv. Vi skal vera noko for vår neste. Viss ikkje du er noko for din neste, kva er då att av trua? Og det er jo det som er så fint med fellesskapen vi opplever i Vik Songlag og, der vi ser kvarandre. Og da tenkjer eg at Gud gler seg over det, uansett om vi syng ein gospelsong eller vi syng ei vise.

«Eg har – kall det ein leveregel: eg vil ha beina godt planta på jorda, men med blikket oppover. Der ynskjer eg å leva».

Det starta med Ten Sing

- Er du fødd inn i ein kristen kultur?

- Ja, eg gjekk jo på søndagsskule – og er jo frå Kristianssand, og i min ungdom gjekk nesten alle i kor. Eg vaks opp i Ten Sing-rørsla. Eg kom inn i kyrkja, det er jo Den Norske Kyrkja eg har stått i i alle år, sjølv om eg jobbar veldig økumensk. I sommar skal eg jobbe for frikyrkjene på ein sommarcamp, og så skal eg ha ein festival for Frelsesarmeen.

Vi har ulike måtar å uttrykke vår – kall det kjærleik til Gud på. Det handlar mest om å finne sin plass, eigentleg. I den norske kyrkja har vi liturgi, vi har årsrytme. Vi må ha respekt for at vi uttrykker trua vår ulikt, at vi har ulike behov. Eg ynskjer ikkje å plassera meg, men eg har – kall det ein leveregel: Eg vil ha beina godt planta på jorda, men med blikket opp, oppover. Der ynskjer eg å leva.

Intervju v. Krista Revsbech

Glimt fra musikkmesse 24.07.24 i Hove Steinkyrkje

Musikk: Elizabeth og Arne Olden-Wikestad. Liturg: Anders Hove



Andakts- og gudstenesteliv på Vik bygde- og sjukeheim



Tradisjonen tru feira vi 17.mai med gudsteneste på Vik bygde- og sjukeheim – og vi var heldige med vårsol på nasjonaldagen!

Kyrkjene i Vik kommune inviterer til andakt ein onsdag kvar månad på Vik bygde- og sjukeheim, etter oppsett datoplan. Sidan avdelingane er lokalisert i kvar sine bygg held vi andakt begge

plassar: Stova på Kongshaug kl. 11.30 og Stova i 2. etg. kl. 12.30. Bebuarar i omsorgsbustadane er velkomne til andakt.

Besøksdag

Soknepresten har sett av ein dag i månaden som besøksdag på sjukeheimen, i hovudsak mellom klokka 11 og 13. Då vil presten sjå innom i stovene og banke på dørene for å helsa på bebuarane. Presten kan òg besøka bebuarar i nærliggjande omsorgsbustadar. Presten er tilgjengeleg for samtale og for soknebod på rommet om det skulle vere ynskjeleg.

Bebuarar eller pårørande kan melda ynskje om dette til personalet eller til soknepresten på tlf. 46 88 99 80.

Vik kyrkje viste ansikt på Gamalostfestivalen



Laurdag bemanna Vik Sokneråd i samarbeid med prest og kyrkjevevje ein stand i Sentrumsgata, så besøkande på festivalen kunne få kaffi, kake og slå av en prat – og kanskje vinne eit glas med drops.

Før standdagen på Gamalostfestivalen fekk Karen prest laga ein «rollup» (stor plakat) som syner alle kyrkjene i Vik kommune, og noko av det kyrkja driv

med her - dåp, konfirmasjon, bryllaup, trusopplæring og gudstenester av ulike slag. Før Festivalen sto den i Vik kyrkje, men den skal også ut til dei andre kyrkjene våre når det skjer noko der.

Takk til Folietec for oppsett og produksjon av rollup'en!



KONFIRMASJONAR

Konfirmasjonar våren 2024



4. mai – Vik kyrkje:

1.rekke frå venstre: Per Olav Hagheim Hove, Leander Heggenes, Robin Nedberge Sagerøy, Celine Fosse Skagen, Elvira Vikøren. 2. rekke: Sokneprest Karen H.B. Melhus, Aksel Opheimshaug Moheim. (Foto: Eli Renate Moheim)



4. mai – Arnafjord kyrkje

Isak Hagen Otterskred saman med sokneprest Karen H.B. Melhus. (Foto: Tove S. Geithus)



11. mai – Fresvik kyrkje

Maria Elisa Høgheim saman med sokneprest Karen H.B. Melhus. (Foto: Tove S. Geithus)



11. mai – Feios kyrkje

1.rekke frå venstre: Eva Hov Grindedal, Sissel Ulvestad, Keylinn Sofie Engesæth Grindheim. 2. rekke: Sokneprest Karen H.B. Melhus, Emma Elisabeth Tveit, Veronica Olejnik Tveit.
(Foto: Roger Ulvestad)



19. mai – Vangsnes kyrkje

Frå venstre: Helene Holen, Ida Hanekam Kvalvik, Martine Fretheim og sokneprest Karen H.B. Melhus



19. mai – Vik kyrkje

1.rekke frå venstre: Sokneprest Karen H.B. Melhus, Tuva Bettum, Ellen Kristine Melheim, Silje Tveite, Eivor Time. 2.rekke: Iver Hegerland, Vemund Hove, Ivar Pedersen Grønningsæter, Jens Mårdalen Tistel. 3.rekke: Lukas Nilsen Systad, Tobias Tryti Dregelid, Eirik Høyum-Kaasen. (Foto: Helge Grønningsæter)

Barnegudsteneste i Fresvik kyrkje



Karen fortel om gjetaren og flokken.



Kyrkjekaffi og kyrkjesaft...

9. juni var det barnegudsteneste i Fresvik kyrkje. Alle barna i barnehagealder i Fresvik var inviterte.

Prest Karen la heile gudstenesta opp til borna, som deltok med stor iver. Vi song barnesalmar og songar med bevegelsar til. Vi fekk høyre forteljinga om sauene som ble funnen att med leiting etter det vesle lammet Krølle. Til slutt i gudstenesta var det utdeling av bøker til 3-, 4- og 6-åringar.

Etter gudstenesta stelte soknerådet til kyrkjekaffi og vi var så mange at ikkje alle fekk plass ved langbordet. Ein god gjeng hadde kyrkjekaffi-piknik på golvet i kyrkja. Vi var 36 små og store samla i kyrkja denne søndagen.

(Alle foto: Gyda Bøtun)



For gutar og jenter!

Hautplan for Vik Kvardagsskule:

Oppstart: mandag 14. oktober i Kyrkjestova.

Vidare kvar mandag utover hausten: 21. oktober, 28. oktober,

4. november, 11. november, 18. november, 25. november.

Siste gang før jul: 2. desember.



3-åring fikk 3-årsbok – og Krølle!



Ein glad 6-åring



4-åringar

Ord om gras fra Bibelen:

Evangeliet etter Matteus, kapitel 6, vers 30-31:

"Når Gud kler graset så fint, det som veks på marka i dag og blir kasta i omnen i morgon, kor mykje meir skal han ikkje då kle dykk – de lite truande! Difor må de ikkje vera urolege og seia: 'Kva skal vi eta?' eller: 'Kva skal vi drikkja?' eller: 'Kva skal vi kle oss med?'"



Peters første brev, kapitel 1, vers 24-25:

*«Alle menneske er som gras
og all deira prakt som blomen i graset.
Graset visnar, og blomen fell av,
men Herrens ord varer til evig tid.»*



PLENKLYPPING OG VEDLIKEHALD PÅ GRAVPLASSEN

Gravplassane i Vik kommune blir forvalta av Vik kyrkjeleg fellesråd.

God plenklypping er vêravhengig, og tidvis kan det difor bli noko venting og ein kan oppleve at graset vert «for høgt». Vi har 7 gravplassar å forvalte med avgrensa kapasitet. Men det blir klypping.

Slått av gras som veks direkte kring grav-minna er den enkelte gravminneeigar sitt ansvar å fjerna. Likevel prøver vi å slå mest mogleg innåt kvart gravminne.

Gravminne som står skeivt eller er laust er vedkomande eigar sitt ansvar. Vi kan om ynskjeleg ordna dette for deg.

Har du spørsmål kan dei rettast til dagleg leiar på tlf eller sms 479 77 806, måndag – onsdag 10-15.

22.5.24. Vik kyrkjelege fellesråd

«Dansk Aften» i kyrkjestova

Torsdag 27. juni fekk me ein fin «dansk aften» i kyrkjestova. Organist Krista Revsbech hadde, saman med sin danske kollega og veninne, invitert til songkveld. Dei framførte mange danske viser og

tilhøyrande historiar. God allsong vart det også!

Takk til Krista og Kirsten for ein fin sommarkveld i kyrkjestova med flott song og spel!






Barnas



Prikk til prikk



Teikn ein strek frå 1 til 2 og så vidare. Kva skjuler seg her?

Gje barnebladet Barnas til eit barn du er glad i!

Desse oppgåvene er henta frå bladet.

Bestill abonnement på sondagsskolen.no eller 22 08 71 00



Finn 10 språk

I rutenettet gøymmer det seg namnet på 10 forskjellige språk. Leit bortover og nedover. Klarer du å finne alle?

P	C	F	F	H	W	N	E	K	V
L	I	R	I	E	W	I	S	Z	A
N	G	N	T	B	K	S	P	L	C
F	G	O	A	R	A	L	A	E	F
R	K	R	L	A	G	A	N	N	F
A	F	S	I	I	R	N	S	G	F
N	F	K	E	S	E	D	K	E	J
S	I	X	N	K	S	S	S	L	P
K	O	I	S	F	K	K	B	S	D
T	Y	S	K	D	A	N	S	K	B

Vitsar

Eit eple spurde ein appelsin:
– Kvifor er det så mørkt her?
– Fordi pæra har gått.

Har du høyrte om høna som hadde fått feber?
Ho la berre kokte egg.

Finn fem feil

Her snakkar Jesus med ein liten familie. Dei to bileta er nesten heilt like, men kan du finne dei fem feila på biletet til høgre?

Teikning: Chiara Bertelli



Døyppte:

Vik:

14.04.24 Even Fosse Andersen
02.06.24 Johan Vange Fredagsvik
02.06.24 Vetle Seljestø Bjørsvik
02.06.24 Ebba Emilia Tenold Fredriksen

Feios:

23.06.24 Anna Fosse Sæterlid
23.06.24 Emma Schau Sæterlid

Hove:

06.07.24 Natalia Astrid Talaoc Aafedt
06.07.24 Fillip Berge Hove

Uigde:

Arnafjord:

06.07.24 Sigrid Bystøl +
Deividas Tenys

Hove:

06.07.24 Jorunn Hove +
Olaf Lemvik



Gravferd – urnenedsetjing:

Feios

26.04.24 Jens Petter Sætre f. 1950

Fresvik

16.05.23 Tora Tønder f. 1931

Vik

04.04.24 Omar Helleland f. 1969
24.04.24 Rannveig Voll f. 1948
03.05.24 Sverre Hønsi f. 1941
14.04.24 Anna Tillung Hove f. 1935
21.06.24 Olga Hønsi f. 1922
04.07.24 Jon Olav Bø f. 1938
05.07.24 Ingolf Kvist f. 1948
09.07.24 Olav I. Refsdal f. 1935
11.07.24 Gunnar Solberg f. 1935

SOMMARKONKURRANSE:

På ein stad i Vik kommune finner du denne engelen, som manglar venstre arm – men kvar?
Premie: Hent en overrasking på kyrkjekontoret!
Svar seinast 15. september til bladstyrar på e-post: kristarevsbech@gmail.com



NAMN OG NUMMER

VIK KYRKJEKONTOR: 479 77 806

E-POST: KYRKJELEG.FELLESRAAD@VIK.KOMMUNE.NO

KYRKJELEG TILSETTE:

Kyrkjeverje

Marit Johanne Andersen

epost: marit.johanne.andersen@vik.kommune.no

TELEFONAR

kontor 479 77 806

mobil 906 86 227

KONTORTID

måndag,

tysdag og

onsdag

kl. 10.00–15.00

Sokneprest

Karen Helene Bøhn Melhus

tlf. 468 89 980

e-post: karen.helene.bohn.melhus@vik.kommune.no

Prostiprest

Rasmus Bolstad Rustad

tlf. 977 38 134

e-post: rasmus.clemens.bolstad.rustad@vik.kommune.no

Organist

Krista Revsbech

tlf. 0045 25 30 48 78

epost: kristarevsbech@gmail.com

tlf. 921 61 625

Leiande kyrkjetenar

Nils Kvamme

tlf. 957 30 615

Kyrkjetenar i Vik, Vangsnes og Arnafjord

Jonathan Nahayo

tlf. 941 71 504

Kyrkjetenar i Feios

Britt Inger Rinde Eikeland

tlf. 908 39 156

Kyrkjetenar i Fresvik

Henk van Nierop

tlf. 918 70 581

SOKNERÅD

Soknerådsleiar Arnafjord:

Endre Nese

tlf. 415 10 401

Soknerådsleiar Feios:

Arnstein Linde

tlf. 909 30 320

Soknerådsleiar Fresvik:

Kirsten Johanne Bøtun

tlf. 951 49 366

Soknerådsleiar Vangsnes:

Brita Sissel Turvoll

tlf. 909 28 179

Soknerådsleiar Vik:

Reidunn Bolstad

tlf. 905 33 581

VIK KYRKJELEGE FELLESRÅD:

Leiar: Turid Kristine Brekke

tlf. 922 28 593

Utleige Kyrkjestova:

Sylvi Nummedal

tlf. 469 28 613

Nummedal Gravferdsbyrå v/Arnfinn Nummedal

tlf. 918 85 770

VELKOMMEN TIL KYRKJE

11. aug kl. 11.00 Vangsnes kyrkje kl. 16.00 Arnafjord kyrkje	12. s. i treeining. Luk 8, 1-3 Gudsteneste v/ Rasmus Rustad Gudsteneste v/ Rasmus Rustad
18. aug kl. 11.00 Vik kyrkje kl. 16.00 Feios kyrkje	13. s. i treeining. Luk 12, 41-48 Gudsteneste v/ Karen Melhus. Utdeling av 6-årsbøker Familiegudsteneste v/ Karen Melhus. Utdeling av 3-, 4- og 6-årsbøker.
25. aug kl. 12.00 Fresvik, Svea	14. s. i treeining. Luk 17, 7-10 Gudsteneste saman m. Frelsesarmeen v/ Karen Melhus
08. sep kl. 11.00 Vik kyrkje	16. s. i treeining. Matt 5, 10-12 Gudsteneste v/ Karen Melhus. Presentasjon av konfirantar.
15. sep kl. 11.00 Vangsnes kyrkje kl. 16.00 Feios kyrkje	17. s. i treeining. Luk 7, 11-17 Gudsteneste v/ Karen Melhus. Gudsteneste v/ Karen Melhus.
22. sep kl. 11.00 Vik kyrkje kl. 16.00 Arnafjord kyrkje	18. s. i treeining. Matt 8, 5-13 Gudsteneste v/ Karen Melhus. 50-årskonfirantar. Gudsteneste v/ Rasmus Rustad. Hausttakkefest. Presentasjon av konfirantar.
06. okt kl. 11.00 Vik kyrkje	20. s. i treeining. Mark 10, 2-9 Gudsteneste v/ Geir Paulsen
13. okt kl. 11.00 Fresvik kyrkje	21. s. i treeining. Luk 16, 19-31 Gudsteneste v/ Rasmus Rustad. Hausttakkefest. Presentasjon av konfirantar.
20. okt kl. 11.00 Vik kyrkje kl. 18.00 Feios kyrkje	22. s. i treeining. Joh 12, 35-36 Gudsteneste v/ Karen Melhus. Hausttakkefest. Utdeling av 4-årsbok. Strikkegudsteneste v/ Karen Melhus
02. nov (laurdag) kl. 16.00 Vik kyrkje	Allehelgen. Joh 11, 1-5 og 33-38 Minnegudsteneste v. Karen Melhus
03. nov kl. 11.00 Fresvik kyrkje kl. 16.00 Vangsnes kyrkje	Allehelgen. Joh 11, 1-5 og 33-38 Minnegudsteneste v/ Karen Melhus Minnegudsteneste v/ Karen Melhus
10. nov kl. 11.00 Arnafjord kyrkje	25. s. i treeining. Matt 14, 22-34 Gudsteneste v/ Rasmus Rustad

INFORMASJON



UTGJEVAR	Sokneråda i Arnafjord, Feios, Fresvik, Vangsnes og Vik
TRYKK	Printfarm AS
BLADSTYRAR	Krista Revsbech
KASSERAR	Sylvi Nummedal
BLADPENGAR	Kr. 150,- pr. år. Utanbygds kr. 200.-
BANKGIRONR	38003011558

VELKOMEN TIL KYRKJE

17. nov kl. 18.00 Vik kyrkje	26. s. i treeining. Joh 9, 1-7 og 35-38 Strikkegudsteneste v/ Karen Melhus
01. des kl. 16.00 Fresvik kyrkje kl. 19.00 Vangsnes kyrkje	1. s. i advent. Matt 21, 10-17 Adventsgudsteneste / lysmesse v/Karen Melhus Adventsgudsteneste / lysmesse v/Karen Melhus
08. des kl. 16.00 Arnafjord kyrkje kl. 19.00 Vik kyrkje	2. s. i advent. Joh 16, 21-24 Adventsgudsteneste / lysmesse v/Karen Melhus Adventsgudsteneste / lysmesse v/Karen Melhus
24. des kl. 14.00 Feios kyrkje kl. 14.00 Vangsnes kyrkje kl. 16.00 Vik kyrkje	Julaftan. Luk 2, 1-20 Julaftangudsteneste v/Rasmus Rustad Julaftangudsteneste v/Karen Melhus Julaftangudsteneste v/Karen Melhus
25. des kl. 11.00 Vik kyrkje kl. 16.00 Arnafjord kyrkje kl. 16.00 Fresvik kyrkje	Juledag. Joh 1, 1-14 Høgtidsgudsteneste v/Karen Melhus Julegudsteneste v/Karen Melhus Julegudsteneste v/Rasmus Rustad

*Vi tek atterhald om endringar i gudstenestelista.
Sjå Sogn avis, plakater, FB og heimesida.*

Heimesida: www.vik.kyrkja.no

Facebook: [Kyrkjene i Vik](#)

KYRKJESKYSS

Arnafjord:	Ring leiar Endre Nese	tlf. 415 10 401
Feios:	Ring leiar Arnstein Linde	tlf. 909 30 320
Fresvik:	Ring leiar Kirsten Johanne Bøtun	tlf. 951 49 366
Vangsnes:	Ring leiar Brita Sissel Turvoll	tlf. 909 28 179
Vik:	Ring leiar Reidunn Bolstad	tlf. 905 33 581